

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 2022-mi ukiup sisamararterutaata aappaannut Atugarissaanermut immikkoortortamut Aningaasaqarnermut nalunaarusiaq

Imm. 3.2 Atuiffimmut, Angerlarsimaffimmi ikiorteqarneq, nuussinissamut qinnuteqaat. Sisimiut.

Imm. 3.3 Atuiffimmiit atuiffimmut allammut missingersuutunik nuussisoqarnissaanik qinnuteqaat - Maniitsoq

04. Suliassat naliginnaasut

Imm. 4.1 Qeqqata Kommuniata Peqqinnissaqarfiullu akornanni 2019-imit 2023 tikillugu suleqatigiinnissamut isumaqatigiissutip nutarterneqarnissaanik kissaateqarneq.

Imm. 4.2 Puigortunngortut pillugit siunnersuut

05. Sulisoqarnermut tunngasut

Soqanngilaq

06. Paasissutissiissutit

Imm. 6.1 Iisimatitsissut Inatsisartut Ombudsmandiata Qupanummut misissuisimanera pillugu. Sisimiut.

Imm. 6.2 Siulittaasup aalajangiinera pillugu paasissutissiissut. Meeqqanut immikkuullarissunut, atuareernerup kingorna ornittagassaannut aningaasartuuteqarnissamut qinnuteqaat, Maniitsoq.

08. Tamalaat

Imm. 8.1 Tamalaat

Ataatsimiinneq aallartippoq nal. 13:09

Peqataasut:

Inuit Ataqtigiit

Juliane Enoksen, Siulittaasoq, Sisimiut

Nivi Heilmann Efraimsen, Agathe Fontain-imut sinniisoq, Sisimiut

Siumut

Kirstine Olsen, Siulittaasup tullia, Sisimiut

Naleraq

Paneeraq Olsen, Kangerlussuaq

Nalunaaruteqarlutik peqataanngitsut:

Barnabas Larsen, Kangaamiut

Agathe Fontain, Sisimiut,

Gideon Lyberth, Barnabas Larsen-imt sinniisoq, Maniitsoq

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

Imm. 02

Pisortaaneq oqaasiinnartigut paasissutissiivoq ataani allaqqasut pillugit.

- Sundhedskommissionip ataatsimeeqatiginera
- Sulisoqarniarneq
- Aningaasat Socialstyrelseminngaannieersut atorneqarneri
- Tiliup saaffiginnissutaa
- Socialministerip Maniitsumiinnera
- Børnehus Maniitsumiittussap killiffia
- Socialdirektørit naapinnerat
- Inersismasunut katsorsaaneq
- Killissamik qaangiisartut katsorsarneqartarnissaat. Atorfilittat sap. Ak. 40 tikissapput.

03. Aningaasaqarnermut tunngasut

Imm. 3.1 2022-mi ukiup sisamararterutaata aappaannut Atugarissaarnermut immikkoortortamut Aningaasaqarnermut nalunaarusiaq

Journalnr. 06.01.01

Tunuliaqutaq

Ukiup ingerlanerani ingerlatsivinni qaammatit pingasukkaarlugit atuiffiit pingaarnerit qullersaqarfimmit nalunaarusiorneqartassapput. Matumuuna Atugarissaarnermut immikkoortortaqarfimmit 2022-mi ukiup sisamararterutaata aappaannut aningaasaqarnermut nalunaarut saqqummiunneqarpoq.

Maleruagassatigut tunngavigisaaq

Qeqqata Kommuniani karseqarnermut naatsorsuuteqarnermullu najoqqutassiaq. Aningaasaqarneq pillugu nalunaarusiortarneq, missingersuusiortarneq malinnaatitsisarnissarlu pillugit Qeqqata Kommuniani ilitsersuut

Pissutsit atuuttut

Aningaasaqarnermut takussutissat ataaniittut 2022-mi junip naanerani naatsorsorneqartuni kisitsisini oqimaaqatigiissitsinnermit aallaaveqarput. 2022-mi ukiup sisamararterutaata aappaanni oqimaaqatigiissitsineq ilanngussami takuneqarsinnaavoq. Immikkoortortaq tamakkerlugu qimerlooraanni, aningaasannorlugu 6.683.168 koruuninik imaluunniit 2,08%-imik sippuilluni atuiffiuvoq. Siusinaartumik pensionisialinnut ilassutitut aningaasaliiffigineqarnissaannut qinnuteqaat sulii aningaasaqarnermut ataatsimiititaliamit akuersissutigineqarsimannginnera annerpaatut patsisaavoq. Ilassutitut aningaasaliiffigineqarnissamut qinnuteqaat akuersissutigineqanngippat, immikkoortortami sippuilluni atuneq ingerlaannassaaq. Kommunimi sipaarniarneq ingerlanneqarnikuvoq, taamaalillunilu immikkoortortami 2022-mut katillugit 5,6 mio. koruuninik sipaaruteqartoqarluni.

Atugarissaarnermut immikkoortortami aningaasartuuteqarfiunerpaaq tassaavoq meeqqat angerlarsimaffiup avataanut inissitat, meeqqat inuusuttullu imminnut allanullu navianartorsiortinnerat patsisaalluni, Sisimiuni Meeqqanut Ilaqutariinnullu immikkoortortaq ulloq unnuarlu paaqqinniffinnut inissiisariaqartarsimavoq.

Sisimiuni angerlarsimaffeqanngitsunut unnuisarfik annikitsumik sippuilluni atuiffiuvoq, tassani qaangiuttoornermi akissarsiaqartitsineq patsisaavoq, tamannalu coronap nalaani, nalliuttuni napparsimasoqarneranilu pisariaqarsimalluni. Maniitsumi angerlarsimaffeqanngitsunut unnuisarfimmi annertuumik sippuilluni atuisoqarsimavoq, ukiup nillernerpaaffiani ukiukkut qaammatit sisamat ingerlaneranni ammasarnerup sivitsuiffiusimaneramik patsiseqarpoq. Angerlarsimaffeqanngitsunut unnuisarfimmi akissarsiaqartitsinermi aningaasartuutit sipaarfigineqarnissaannut ammasarfiit sivikillineqarnikuupput.

Maniitsumi Ilaqutariinnut Inerisaavik illumut nutaamut nutseqqammermat sippuilluni atuiffiuvoq, tassa nutsernermut atatillugu aningaasartuuteqarfiummat, ukiup naajartorneranut missingersuutit iluini ingerlatsinissaaq immikkoortumit eqqumaffiginiarneqarpoq.

Maniitsumi najugaqaqatigiiffik 6,3% pointimik sippuilluni atuiffiuvoq, tassa najugaqaqatigiiffiit tamakkiisumik najugaqarfigineqarmata, taamaattumillu annertunerusumik sulisunik atuisoqarluni, oqilissaaffittaaq ulikkaaqqasimavoq.

Aningaasaqarnikkut allaffissornikkullu kingunerisinnaasai

Massakkuugallartumut aningaasaqarnermi imaluunniit sulisoqarnermi kinguneqanngilaq. Atugarissaarnermut immikkoortortaqarfik naliliivoq, aningaasaqarnermut sukannersumik aqutsineq suli ingerlanneqassasoq, immikkoortortaqarfimmi aamma illorsuup avataani sullissivinni. Ukiup sisamararterutaata aappaata naanerani Namminersorlutik Oqartussanit pigineqartut ulloq unnuarlu paaqqinniffinnit akiligassat tamakkerlugit tiguneqarnikuunngillat. Ima paasineqassalluni meeqqanut ilaqutariinnullu immikkoortortami sippuilluni atuisoqartoq. Siusinaartumik pensionisianut ilassutitut aningaasaliissuteqarnissamut qinnuteqaat akuersissutigineqassappat, immikkoortortaq suli sippuilluni atuiffiussaaq.

SIK septembarimi nutaamik isumaqatigiissuteqassasoq naatsorsuutigineqarpoq, taannalu kingumut atuutilersussaalluni, taamaattoqarneranilu pingaartumik utoqqaat angerlarsimaffiini najugaqaqatigiiffinnilu naatsorsuutinut sunniuteqassaaq.

Allaffeqarfiup naliliinera

Allaffeqarfik naliliivoq, kommunip suut unammillernarpaatinnerai atuinerit takutikkaat, siusinaartumik pensionisiaqalersut amerliartorneri aamma meeqqat inuusuttullu angerlarsimaffiup avataanut inissinneqartartut.

Innersuussut

Atugarissaarnermut Ataatsimiititaliamut akuereqqullugu innersuussutigineqarpoq:

1. Atugarissaarnermut immikkoortortamut 2022-mi ukiup sisamararterutaata aappaanni aningaasaqarnermut nalunaarut tusaatissatut tiguneqassasoq, aningaasaqarnermut ataatsimiititaliamut kommunalbestyrelsimullu ingerlateqqinneqarluni.

Aalajangiineq

Tusaatissatut tiguneqarpoq suliarlu Aningaasaqarnermut Ataatsimiititaliamut kommunalbestyrelsemullu ingerlateqqinneqassaaq. Siusinaartumik soraarnermusialinnut aningaasartuutit immikkut ittumik Atugarissaarnermut ataatsimiititaliap akuerissutigini kuusaat suli Aningaasaqarnermut ataatsimiititaliap suliarinngimmagu tamanna eqqaasissutigineqaaqqissaaq.

Ilanngussaq

1. Atugarissaarnermut immikkoortortamut 2022-mi ukiup sisamararterutaata aappaannut aningaasaqarnermut nalunaarussiaq

Imm. 3.2 Atuiffimmut, Angerlarsimaffimmi ikiorteqarneq, nuussinissamut qinnuteqaat. Sisimiut.

Journalnr. 06.02.04

Tunuliaqutaq

Ulloq unnuarlu angerlarsimaffimmi ikiorteqartitinermik pilersitsinermi 2017-2021-mut suleqatigiinnissamut isumaqatigiissut tunngaviuvoq, ulloq unnuarlu angerlarsimaffimmi ikiorteqartitsinerup atuutilersinneqarnissaa politikkikkut pingaarnersiuneruvoq. Tassani suliniummik ukiuni pingasuni 2019-imit 2021 tikillugu atuuttussamik suliaqartoqarpoq. Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq malillugu.

Maleruagassatigut tunngavigisaaq

Qeqqata Kommuniata Karseqarnermut naatsorsuuserinermullu malittarisassai PPK, Peqqinnissaaq pillugu kattuffiit

Pissutsit atuuttut

Piffissaaq tamakkerlugu ulloq unnuarlu angerlarsimaffimmi ikiorteqarnissamut pisariaqartitsitsut pingasut - arfineq-marluk akornanniittut, Sisimiuni angerlarsimaffimmi ikiorteqarfimmit sullinneqarsimapput, taakkunannga pingasut annertuumik ajornartorsiuteqarlutik, angerlarsimaffimmi ikiorteqartitsinerup nal. 16.00-imit 23.00 tungaanut sivitsuisariaqarnermik kinguneqartitsisut, tassa angerlarsimaffimmi ikiortit ataavartumik nakkutilliisariaqarmata aammalu innuttaasut qanoq issusaat patsisaalluni imminnut illorsuarmilu allanut ulorianartorsiortitsisinnaammata, angerlarsimaffimmi ikiortit pilersaarutaasumik angerlarsimaffimmut alakkarerinerit saniatigut unnuakkut innuttaasunik ujaasinerit ingerlanneqartariaqarlutik.

Innuttaasut nakorsaatornerat patsisaalluni, angerlarsimaffimmi pigaartoq nakorsaatinik ilisimasalimmit isumagineqarnissaat pisariaqartinneqarpoq, taamaattumillu aqutsisoq tullersortilu paarlakaallutik angerlarsimaffimmi pigaartuusariaqarsimallutik, tamatumalu kinguneranik ulloq sulinnigiffeqarfissaraluanik annaasanik katersisoqarsimalluni, taakkulu ukiut pingasut ulloq unnuarlu angerlarsimaffimmi ikiorteqartitsinerup ingerlasimanerani katersarisimasat tunniunneqarnissaat maannakkut akuersissutigineqarlutik. (2019-imit 2021 tikillugu)

Aningaasartuutaanerusussat katillugit 478.463,44 koruuniupput, taakkulu immikkoortortami atuiffimmut tulliuuttumut nuutinneqarnissaat qinnuteqaatigalugu: kingumoortumik qaammammusiiallit sulinerusimanerat, ulloq sulinnigiffeqarnissap annaasimasanik akissarsiaqartitsinissamut naammangitsumik missingersuuteqarfiunngitsumut.

Aningaasaliineq amigaataasoq tullinnguuttut qinnuteqaatigineqarpoq:

| Immikkoortortaq | Siunertaq | Art | Sumiiffik | 2022 | | |
|--|------------|-----------|-----------|---------|---------|--------|
| | | | | PIOQQA. | Nuutsi. | NUTAAT |
| 551030201 | 0501060000 | 122010302 | 010580 | 0 | 478 | 478 |
| 551030201 | 0501060000 | 122010200 | 010580 | 2.223 | -223 | 2000 |
| 551030201 | 0501060000 | 122141200 | 010580 | 256 | -256 | 0 |
| Aningaasaqarnikkut allannguutit katillugit | | | | | | |

Atuilluartuunissamut kingunerisinnaasai

Angerlarsimaffimmi ikiorteqarfiup sulisuni attatiinnarusuppai isumaqatigiissutillu naapertorlugit akissarsiaqartikkusullugit

Isumaqatigiissutit kiisalu sulisut eqqissisimaarnissaannut inatsit matumani unioqputinneqarsimasoq PPK-mit Peqqinnissaq pillugu kattuffimmiillu malinneqanngippata, angerlarsimaffimmi ikiorteqartitsiviup sulisuni annaaratarsinnaavai.

Aningaasaqarnikkut allaffissornikkullu kingunerisinnaasai

Qaangiuttoornerit tunniunneqarnissaat aningaasaliiffiginarlugu, eqitsimmi takuneqarsinnaasutut qaammammusalinnut atuiffimmit aammalu siunnersortinit allanit immikkoortortaqarfiimmit aningaasat aaneqarniarput. Angerlarsimaffimmi ikiorteqartitsiviup atuiffiutaata iluani ingerlanneqassaaq.

Missingersuutitigit nuussinerup isumaraa, atuiffinni art-iusuni sippuilluni atuisoqannginnissaa.

Allaffeqarfiup naliliinera

Allaffeqarfik naliliivoq, angerlarsimaffimmi ikiortinut qaangiuttoornerisqartinnissaannut, missingersuutit sippuivigineqaratik, ukioq mannamut missingersuutip naleqqussarneqarnissaa pisariaqartinneqartoq. Innuttaasut imminnut allanullu ulorianartorsiortitsisut isumannarunnaarnissaat sulisunit annertuumik sulissutigineqarsimavoq.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa,

- eqitsit naapertorlugu atuiffiit akornanni nuussisoqassasoq
- Aningaasaqarnermut ataatsimiititaliamut Kommunalbestyrelsimullu suliaq ingerlateqqinneqassasoq

Aalajangineq

Akuersissutigineqarpoq suliarlu Aningaasaqarnermut ataatsimiititaliamut Kommunalbestyrelsimullu ingerlateqqinneqassaaq.

Ilanngussaq

1. Suliniutip nassuiaataa - ulloq unnuarlu angerlarsimaffimmi ikiorteqarneq

Imm. 3.3 Atuiffimmiit atuiffimmut allammut missingersuutininu nuussisoqarnissaanik qinnuteqaat - Maniitsoq

Journalnr. 06.02.01

Tunuliaqutaq

Atugarissaarnermut immikkoortortaqaarfimmi Maniitsumi atuiffinnik iluarsartuussineq ingerlanneqarpoq. Inuit innarluutilinnut immikkoortortaqaarfik, atuiffiit missingersuutillu nuunneqarnissaat qinnuteqaatigineqarput.

Maleruagassatigut tunngavigisaq

Qeqqata Kommuniani kasseqaarnermut naatsorsuuserisarnermullu malittarisassani imm 3.3 naapertorlugu Kommunalbestyrelsi aalajangiisussaataavoq.

Pissutsit atuuttut

Atugarissaarnermut immikkoortortaqaarfik Maniitsoq, iluarsartuussineq missingersuutitigut allannguuteqaarani atuiffiisa nuunnissaanik kinguneqassaaq.

Atuiffik Innarluutilinnut immikkoortortaqaarfimmi aningaasartuutissatut missingersuutit atuiffinnut nuutinneqartariaqarlutik.

Atuilluuntuunissakkut kingunerisinnaasai

Atuiffiit missingersuutininu pineqartunut tunngatillugu nikingatitsipput, taamaattumik atuiniviit nikingasut takuneqarsinnaallutik. Atuiffiit imminnut ataqtigiittut ataatsimoortinneqarnissaat kiisalu atuiffiit immikkoortortalerneqarnissaat pisariaqarmat. Atuiffiit nuutinneqareerpata immikkoortortat pineqartut ataanniilerunik atuineq nalilersoruminarningussaaq.

Aningaasaqarnikkut allaffissornikkullu kingunerisinnaasai

Atuinerit atuiffinnut nuutinneqarpata allaffissornikkut piuminarnerusumik aningaasartuutininu inissiisoqarsinnaalissaaq, atuiffinniillu nuutitsiniarnerit annikillissallutik.

Eqitsit 1 - Handicapområdet

| Afdeling | Formål | Art | Sted | Tekst | Bevilling | Om-placering | Ny bevilling |
|-----------------|---------------|------------|-------------|-----------------------------|------------------|---------------------|---------------------|
| 552040100 | 0501045100 | 122081500 | 10570 | Brændstof | 154.150 | -154.150 | 0 |
| 552040100 | 0501045100 | 122070700 | 10570 | Dagpenge | 0 | 154.150 | 154.150 |
| 552040100 | 0501045100 | 122180100 | 10570 | El | 10.277 | -10.277 | 0 |
| 552040100 | 0501045100 | 122070700 | 10570 | Dagpenge | 0 | 10.277 | 10.277 |
| 552040100 | 0501025200 | 122010200 | 10570 | Timeløn | 5.139 | -5.139 | 0 |
| 552040100 | 0501025200 | 122010303 | 10570 | Merarbejde timeløn | 143.873 | 5.139 | 149.012 |
| 552040100 | 0501025200 | 122030200 | 10570 | Ref. Tabt arb.fortj. | 323.715 | -123.715 | 200.000 |
| 552040100 | 0501025200 | 122081000 | 10570 | Pædagogisk materialer | 34.941 | 123.715 | 158.656 |
| 552040100 | 0501025200 | 122100200 | 10570 | Lejeudgifter | 0 | 200.000 | 200.000 |
| 551040100 | 0501025200 | 122030200 | 10570 | Ref. Tabt arbejdsfortj. | 200.000 | -200.000 | 0 |
| 552040100 | 0502015175 | 113100300 | 10570 | Enkeltudgifter (ej skatpl.) | 154.150 | -154.150 | 0 |

**Atugarissaarnermut Ataatsimiititaliap august-ip 29-ani 2022-imi ileqqusumik ataatsimiinnera
08/2022 – Imaqarniliaq**

| | | | | | | | |
|-----------|------------|-----------|-------|---|------------|-----------|------------|
| 552040100 | 0501025200 | 113100300 | 10570 | Enkeltudgifter (ej skatpl.) | 0 | 154.150 | 154.150 |
| 552040100 | 0501025200 | 122010102 | 10570 | Månedsløn bagud | 561.106 | -10.000 | 551.106 |
| 552040100 | 0501025200 | 122010302 | 10570 | Merarbejde – månedløn bag | 0 | 10.000 | 10.000 |
| 552040100 | 0501045200 | 122081100 | 10570 | Hjælpebidler | 0 | 800.000 | 800.000 |
| 552040100 | 0501045800 | 122150300 | 10570 | Takstbetalinger offentlige myndigheder Danmark | 10.065.994 | -400.000 | 9.665.994 |
| 552040100 | 0501045200 | 122010200 | 10570 | Timelønnede hjemmeboe. | 3.460.154 | -400.000 | 3.060.154 |
| 552040301 | 0501045300 | 122081500 | 10570 | Brændstof | 513.833 | -513.833 | 0 |
| 552040301 | 0501045300 | 122100200 | 10570 | Leje/Lejeudgifter | 0 | 513.833 | 513.833 |
| 552040400 | 0501045400 | 122080600 | 10570 | Fødevarer | 5.139 | -5.139 | 0 |
| 552040400 | 0501045400 | 122080200 | 10570 | Rengøring | 0 | 5.139 | 5.139 |
| 552040400 | 0501045400 | 122170200 | 10570 | Bygninger | 20.553 | -20.553 | 0 |
| 552040400 | 0501045400 | 122080200 | 10570 | Rengøring | 5.139 | 20.553 | 25.692 |
| 552040100 | 0501045700 | 121040100 | 10570 | Indtægter ved takstopkr. | 2.506.479 | - | 0 |
| 552040100 | 0501045700 | 122150200 | 10570 | Takstbet. Kommunal inst. | 0 | 2.506.479 | 2.506.479 |
| | | | | | 18.164.642 | 0 | 18.164.642 |

Allaffeqarfiup naliliinera

Allaffeqarfik naliliivoq, atuiffiit missingersuutillu ilanngullugit immikkoortunut nuunneqarpata, piffinni atuinerit ataatsimoortunnussat missingersuutitigullu malinnaaffigiuminernerulissallutik.

Innersuussut

Atugarissaarnermut immikkoortortaqarfiup Atugarissaarnermut ataatsimiititaliamut innersuussutigaa:

1. Eqitsit 1 malillugu – Innarluutillit immikkoortami atuiffiit akornanni missingersuutitigut nuussinissat akuersissutigineqassasut, kingornalu aningaasaqarnermut ataatsimiititaliamut kommunalbestyrelse-mullu aalajangi-gassanngorlugit ingerlateqqinneqassasut.

Aalajangiineq

Akuersissutigineqarpoq suliarlu Aningaasaqarnermut ataatsimiititaliamut Kommunalbestyrelsimullu ingerlateqqinneqassaaq.

Aningaasanik atuiffimmiik atuiffimmut nuutsisoqarnissaanut qinnuteqaasiormi naatsumik ersarissumillu nassuiaassisoqartarnissaa Atugarissaarnermut Ataatsimiititaliap piumasaqaatigaa.

Ilanngussat

04. Suliassat nalinnaasut

Imm. 4.1 Qeqqata Kommuniata Peqqinnissaqarfiullu akornanni 2019-imit 2023 tikillugu suleqatigiinnissamut isumaqatigiissutip nutarterneqarnissaanik kissaateqarneq.

Journalnr. 48.00

Tunuliaqutaq

Kommunalbestyrelsimi ilaasortap Kirstine Olsen, Siumut oqaluserisassatut kissaatigaa Qeqqata Kommuniata Peqqinnissaqarfiullu akornanni isumaqatigiissut 2019-imi 2023-tungaanut atuuttup nutarterneqarnissaa.

Tassani ilaatigut erseqqinnerusumik isumaqatigiissuteqartoqarnissaa nakorsiat illoqarfimmut allamut nakorsiertussat angalanerminni akiliunneqarnissaat, angalaneratalu aaqqissuulluagaanerunissaa. Taamatuttaaq siusinaartumik pensioneqarniarlutik qinnuteqartut pitsaanerusumik lægeerklæringimik pinissaasa anguneqarnissaat. Kiisalu toqujartortut utoqqaat angerlarsimaffianut inissikkallartarnissaanut pitsaanerusumik ilaqutariinnullu toqqissisimanarnerusumik isumaqatigiissusiortoqarnissaata anguneqarnissaa kissaatigineqarluni.

Maleruagassatigut tunngavigisaq

Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersoq.

Pissutsit atuuttut

Suleqatigiinnissamut isumaqatigiissut 2023-ip naanisaanut ingerlavoq, nutarterneqarnissaanut siunnersuutaasut isumaqatigiinninniarnissami ilanngunneqarnissaat allaffeqarfimmiit innersuussutigineqarpoq, taamaalilluni ukiakkut 2023-imi atsiorneqarnissaa anguniarneqarnissaa siunnerfigineqarnissaa innersuussutigineqarluni, taamaalilluni isumaqatigiissut nutaaq 2024-imiit 2028-mut atuuttusaaq pigineqalissagaluarluni.

Qeqqani nakorsaqaarfik sinnerlugu nakorsaaneq Helle Olsen, saaffigineqareerpoq tamanna pillugu. Nalunaarutigivaallu peqqissinnaqaarfik aatsaat ukiaru suliamut tassunga sulinissaminut piffissaqalissasoq.

Atuilluartuunissakkut kingunerisinnaasai

Innuttaasut peqqinnissap immikkoortuani pitsaanerpaamik katsorsartinneqarnissaat, Qeqqata Kommuniata Peqqinnissaqarfiullu akornaminni suliqatigiinnikkut anguneqarnissaa isumaqatigiissutigissavaat. Taamaattumik piffissap isumaqatigiissutip naannginnerani, nutarterinissaaq piffissaagallartillugu aallartinnissaa qulakkeerneqassaaq.

Allaffeqarfiup naliliinera

Atugarissaarnermut immikkoortortaq naliliivoq, Peqqinnissaqarfimmik taamatut isumaqatigiissusiorsimaneq, Qeqqata Kommunianit iluaqutaasooq, taamaattumik isumaqatigiissutip nutarterneqarnissaa piffissaagallartillugu nutarterneqarnissaa aallartissasoq.

Innersuussut

Atugarissaarnermut immikkoortortap siunnersuutigaa;

- Qeqqata Kommuniata Peqqinnissaqarfiullu akornani suleqatigiinnissamut isumaqatigiissutip atorunnaanginnerani nutarterinissaq naammasseriissasoq.
- Nutarterinermilu Kommunalbestyrelsemi ilaasortap Kirstine Olsenip siunnersuutai eqqartukkanut ilanngunneqassasut

Aalajanginneq

Taget til efterretning og sagen videresendes til Økonomiudvalget og Kommunalbestyrelsen.

Ilanngussat

1. Suleqatigiinnissamik isumaqatigiissut Peqqinnissaqarfiup aamma Qeqqata kommuniata akornanni 2019-imit 2023 tikillugu atuuttoq atsiorneqareersoq, ilanngussartalik
2. Kommunalbestyrelsimut ilaasortao Kirstine Olsenip siunnersuutaa

Imm. 4.2 Puigortunngortut pillugit siunnersuut

Journalnr. 48.00

Tunuliaqutaq

Kommunalbestyrelsemi ilaasortaq Paneeraq Olsen 30. Maj 2022 atugarissaarnermut ataatsimiititaliap ataatsimiinnissaanut oqaluserisassatut siunnersuuteqarpoq imaattumik:

“Qeqqata Kommuniiani puujortunngortunut qanigisaasuulluni, puujortunngortoq utoqqaat angerlarsimaffianut inissinneqarsimatillugu pulaaraanni inigisaani paasissutissanik ersittoqannginnamik, soorlu maakkuningga:

1. Qanga neriva
2. Qanga imerpa
3. Qanga ammanersorpa, nangeqarpat qanga taarserneqarpa
4. Qanga uffarneqarpa
5. Qanga atisai taarserneqarpat
6. Sinnittarnera ullukkuunersoq unnuakkuunersorluunniit

Puujortunngortup nammineerluni tamakkua eqqaamaneq ajorpai. Qanigisaasuulluni pingaaruteqarpoq skema-mullunniit paasissutissat tamakkua ikkullugit allattornissaat. Temanummer paasissutissat pingaaruteqarmat sulisumut qanigisaasumut pingaartumillu najoqartumut siunnersuutigissavara paasissutissat pisariitsumik sananeqarsinnaammata, utoqqaat angerlarsimaffiat taamaattumik sanassasoq.

Siunnersuteqarninnut pissutigaara puujortunngortumut qanigisatut aaammalu puujortunngortunut qanigisaasut allat oqaluttuaat najoqqutaralugu ullormut nerisaqarsimanngitsoq, sinittarnera nkingasoq aaammalu nangeqarpat nalunaruni qanga taarserneqarsimanersoq aaammalu imersimanersoq nalunaruni, væske-mik naammattumik pisimanersoq il.il.

Najuqartup puujortunngortup peqqissussanut pingaaruteqarmat sulisut paarlakaanerani (nikittarneranni) paasissutissat pingaaruteqarmata aaammalu qanigisaasunut takussutissaammata qanigisartik paarilluarneqartoq paasissutissat tamakkua toqqissisitsisussaammata siunnersuut ingerlatippara una:

Pisariitsumik skema-liortoqarli najugaqartumut paasissutissat Pillugit qulaani normulerlugit taakkartukkakka aallaavigalugit. Imaasinnaavoq aaammalu paasissutissanik allanik imaqarsinnaasoq.”

Maleruagassatigut tunngavissat

Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq.

Pitsaassutsimut tunngavissat 2021-2022.

Inunnik paasissutissanik suliarinnitarneq pillugu inatsisip Kalaallit Nunaanni atutilersinneqarnera pillugu peqqussut

Pissutsit atuuttut

Puigortunngortumut ilaquutaasunullu sullissinermi anguniarneqartuarpoq, qanigisaasut pulaarnerminni sapinngisamik pissarsiffiulluarsinnaasumik qanigisartik naapinniartassagaat, arlaannillu ataatsimooruteqarfiginnaasaminnik sammisaqartassasut.

Ilaqutaasut pulaarnerminni naatsorsuutit assigiinngitsut pigisarpaat, qangatut puigortunngortoq peqqikkallarnermisut pisinnaassasoq naatsorsuutigineqarsinnaasarpoq, soorlu puigortunngortumit:
- Takuneqarneq, tusaaneqarneq, paasineqarneq, asaneqarneq, isumassorneqarneq, unnersiorneq, suqaluartunik pisunik avitseqateqarneq naatsorsuutigineqarsinnaasarluni. Ajoraluartumillu taakku puigortunngortumut pulaarnermi paasineqalertarpoq puigortunngornerup kingunerisaanik, qanigisaasup nanatsoorsuutanik ilimasuutinillu uniuuttoornikkut pakatsineq, aliasunneq, annaasaqartutullu misigineq nalaanneqartarpoq. Tamannalu puigortunngortumut qanigisaasunullu ilungersornermik pilersitsisartoq annertoq.

Taamaalillutik puigortunngortumut qanigisaasut nalornilersinnaasarput, oqaloqatigiinneq nalinginnaasoq paasissutisseeqatigiissinnaanerlu ajornarsisarmat, taamaattoqarneranilu sulisut qanimut suleqatiginissaat siunnersorneqarnissarlu pingaaruteqarput.

Najugaqartut sullinneqarnerani sulisut suliassanut qulakkeerinninniarlutik atortussaminnik peqareerput, najugaqartorlu pillugu allattuisarlutik, paasissutissat ilai ilaquutaasunut allanneqartarput logbog atorlugu, paasissutissallu ilai sulisut namminneq atugassarivaat, taakkulu paasissutissat kikkunut tamanut avitseqatigineqarsinnaanngillat, soorlu ilaquutaasunut saqqummisiinnarneqarneq ajorput, innuttaasut sullinneqarneranni illersugaaner at pillugu.

Atuilluartuunissakkut kingunerisinnaasai

Atuilluartuunerussaaq toqqissisimanartumik puigortunngortunut qanigisaasut paasissutissanik ajornanngitsumik sulisuniit pissarsisinnaanngorpata, ersarissaasoqarlunilu qanigisaasut paasissutissanik qanoq ittunik avitseqatigineqarsinnaanersut, qanoq iliornikkullu paasissutissat kissaatigineqartut tunniunneqarsinnaanersut malitassaliortoqaruni.

Aningaasaqarnikkut allaffissornikkullu kingunerisinnaasai

Qanigisaasut malinnaatinneqarnissaat pillugu malittarisassaliornissaq aningaasartuuteqarfiussanngilaq.

Allaffissornikkut malitsigissavaa puigortunngortunut sullissinermi paasissutissanik qanigisaasunut avitseqatiginnittarnermut malitassaliortoqarpat, tamannalu sullissisunit malinneqalerluni, Sullissisut allaffissornikkut suliassaqarnerulersinnaapput.

Allaffeqarfiup naliliinera

Allaffeqarfiup nalilerpaa puigortunngortunut sullissinermi qanigisaasut malinnaatinneqartarnerannut tunngassuteqartumik malitassamik suliaqartoqarsinnaasoq, taamaaliornikkut puigortunngortumut qanigisaasut toqqissisimallutik qanigisamik qanoq innera, peqqissusaa pissutsillu allat pillugit malinnaasinnaanissaminnut periarfissagissaarnerulissallutik. Allaffeqarfiup nalilerpaa taamatut malitassaliornermi eqqumaffigineqartariaqartoq inunnut paasissutissanik suliarinnittarner pillugu inatsisit eqqumaffigineqartariaqartut, malitassiornermilu aallaavigineqartariaqartut.

Innersuussut

Atugarissaarnermut ataatsimiititaliamut innersuussutigineqarpoq allaffeqarfik puigortunngortunut sullissisut peqatigalugit, puigortunngortunut qanigisaasunut paasissutissanik avitseqateqarnissamut malitassanik suliaqartoqassasoq. Malitassatut siunnersuutit ataatsimiititaliamut akuerisassanngorlugit saqqummiunneqassapput.

Aalajangiineq

Akuersissutigineqarpoq.

Ilanngussat

05. Sulisoqarnermut tunngasut

Soqanngilaq.

06. Paasissutissiissutit

Imm. 6.1 Ilisimatitsissut Inatsisartut Ombudsmandiata Qupanummut misissuisimanagera pillugu. Sisimiut.

Journalnr. 06.02.01

Tunuliaqutaq

Inatsisartut Ombudsmandiat pillugu Inatsisartut inatsisaannit nr. 7-mit, 1. juni 2017-meersoq. Ombudsmandi nammineq suliniuteqarnermigut kommuninut misissuiartorluni tikeraarsinnaavoq, kiisalu pisortat paaqqinniffiutaanni/suliffeqarfiutaanni pissutsit misissorsinnaallugit. Misissuinermi paaqqinniffiup/suliffeqarfiup oqartussaasulluunniit aaqqissuunneqarnera ingerlanneqarneralu ilaatigut pineqarsinnaapput. Misissuineq ilaatigut suliffeqarfiup/paaqqinniffiup aaqqissugaaneranut ingerlanneqarneranullu kiisalu suliffeqarfiup/paaqqinniffiup oqartussaasulluunniit ingerlataanik atuisuinilluunniit inuppalaartumik isummat aallaavigalugit pinninneq pillugu pissutsinut tunngasuusinnaavoq. Kommuninut misissuiartorluni tikeraarnermi suliat arlallit tigulaarinikkut misissugassanngorlugit aammattaq tiguneqarsinnaapput. Misissuiartorluni tikeraarnerni innuttaasut Ombudsmandimut ornigullutik saaffiginninnissaminnut periarfissaqarsinnaapput.

Maleruagassatigut tunngavigisat

Inatsisartut Ombudsmandiat pillugu Inatsisartut inatsisaat nr. 7-mit, 1. juni 2017-meersoq.

Pissutsit atuuttut

Isornartorsiutaasut annertunersaa puigortunngortunut tunngassuteqarput, ukiuni kingullerni Qupanumminngaanniik Atugarissaarnermut immikkoortortaqqarfimmiit siumoortumik qinnuteqartarsimapput, puigortunngortut soorlu asattornialernerani ilaatigut nagiminut angoorsimanerani, tigummillugit salittariaqartarnerinut, akuersissummik pissasereersimagamik immikkut nukissorsimasutut nalunaaruteqassaarsimagaluaramik. Tamanna aaqqiivigineqarnikuuvoq, nalunaarutinillu immikkoortortaqqarfik tigusaqartalereernikuulluni. Taamatuttaarlu sikaavik errortanik imaqqartoq parnaarneqartarsimammat isorineqarluni, tassani siunertaasimavoq errortassanik akuliuttoqannginnissaa. Sikaavik parnaartarunnaarneqarsimavoq. Kiisalu pujortartartut immikkut pujortartarfimmi pujortaqqusaaneri isoenartorsiorneqarluni, tamannalu imaaliallaannaq aaqqiivigiuminaappoq, ineeqqamini pujortartoqartillugu torsuusamut pujoq anillattarmat, najugaqartunullu allanut ajoqutaasarluni.

Atuilluartuunissakkut kingunerisinnaasai

Innersuussut

Atugarissaarnermut immikkoortortaqrarfiup Atugarissaarnermut ataatsimiititaliamut innersuussutigaa:

- Ombudsmandip misissuisimanermini nalunaarusiaa tusaatissatut tiguneqassasoq
- Atugarissaanermi Sisimuni immikkoortorqatarfiup qulakkiissagaa Ombudsmandip innersuutai Qupanermit iluarsinissai
- Nalunaarusiaq Kommunalbestyrelsimut ingerlateqqinneqassasoq

Aalajangiineq

Tusaatissatut tiguneqarpoq suliarlu Kommunalbestyrelsemut paasissutissiissutitut ingerlateqqinneqassaaq.

Ilanngussat

1. Ombudsmandip nalunaarusiaa
2. Akissuissaq Ombudsmandimut brev nr. 22.44.05.100 GRL

Imm. 6.2 Siulittaasup aalajangiinera pillugu paasissutissiissut. Meeqqanut immikkuullarissunut, atuareernerup kingorna ornittagassaannut aningaasartuuteqarnissamut qinnuteqaat, Maniitsoq.

Journalnr. 42.10.08

Tunuliaqutaq

Uani suliniummi meeqqat immikkuullarissutut taaneqartut tassaapput, meeqqat innarluutillit aammalu meeqqat diagnoseqanngikkaluarlutik peroriartornerminni unamminartuuteqarnertik pillugu tapersorsorteqartinneqartut.

Maniitsumilu atuareernerup kingorna aaliangersimasumik ornittagaqartinneqarniarnerat ajornartorsiutaajuarsimavoq.

Maannali nunaqarfinniit meeqqat atuarfiat naammassiarlorlugu tikittartut najugaqarfigisartagaat Mini kolligiemik taaneqartartup, initaata aappaa attartornissaanut neqeroorutigineqarmat, ornittaganngortinnissaanut pisatsersornissaanut aningaasartuutissanik qinnuteqaasiorneq suliniutigineqarpoq.

Maleruagassatigut tunngavissat

Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq

§ 1. Inatsisartut inatsisaat meeqqanut inuusuttunullu illersuinermut ikiorsiinernullu atorneqassaaq, meeqqat inuuniarnermikkut atugarliortut imaluunniit immikkut pisariaqartitsisut immikkut siunnerfigalugit. Inatsisartut inatsisaat manna naapertorlugu ikiorsiinerup siunertaraa meeqqat pisinnaatitaaffiisa qulakkeernissaat, kiisalu meeqqat inuuniarnermikkut atugarliortut imaluunniit immikkut pisariaqartitsisut ukioqatitik assigalugit inuttut ineriartornissaminnut, ingerlalluarnissaminnut, peqqissuunissaminnut aammalu inersimasutut inuunerminni nammineersinnaasutut periarfissaqarnissaat anguniarlugu.

§ 25. Kommunalbestyrelsip meeqqap immikkut ittumik ikiorneqartariaqarnera annertuumik pingaarutilittut isigisariaqarpat, immikkut ittunik ikiorsiinissamik suliniuteqarnissat aalajangiiffigissavai.

5) ornittakkami immikkut ittumik perorsaaviummik inissaqartinneqarneq, imaluunniit

6) meeqqap ineriartornerata ingerlalluarnissaalu qulakkeernissaat siunertaralugit ikiorsiineq alla

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

§ 1. Inatsisartut inatsisaanni matumani siunertaavoq:

1) innarluuteqarnerup malitsigisaanik ajornartorsiutit pillugit inuit innarluutillit siunnersorneqarnissamik tapersorsorneqarnissamillu neqeroorfigineqarnissaannik qulakkeerinniffigineqarnissaat,

2) inuup imminut ikiorsinnaanissaanik siuarsaaneq imaluunniit ulluinnarni inuuneranik oqilisaassineq kiisalu inuunerinnerulersitsineq,

3) inuup innarluutillip ineriartorsinnaanissaanik aamma piginnaasai naapertorlugit nammineq periarfissaqarfiinik atorluaasinnaanernik siuarsaaneq, matumani inummut ataasiakkaamut tamanna periarfissaappat, ilinniagaqarnermik periarfissaq ilanngullugu,

§ 5. Pisortat illuutaat atortorissaarutaataallu sapinngisamik ima aaqqissuunneqassapput inuit innarluutillit isersinnaanissaat atuisinnaanissaallu qulakkeerneqassalluni.

§ 6. Inatsisartut inatsisaat manna, ukiut apeqqutaatinnagit, inunnut innarluutilinnut Kalaallit Nunaanni najugaqartunut, atuuppoq.

Imm. 2. Inuit innarluutillit tassaapput inuit ataavartumik timikkut, tarnikkut, silassorissutsikkut imaluunniit malugisaqarsinnaanikkut piginnaanikillissimasut, aporfiillu assigiinngitsut

sunniivigeqatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut.

§ 7. Meeqqat, inatsisartut inatsisaat manna aammalu Meeqqat tapersersorneqarnissaannut Inatsisartut inatsisaat tunngavigalugit tapersersorneqarnissamik pisinnaatitaasut, Inatsisartut inatsisaat taakku marluk tunngavigalugit pisariaqartitaminnik tapersersorneqassapput. Ataqatigiissaakkamik kiisalu meeqqamut pitsaanerpaasussaq aallaavigalugu tapersersuineq tunniunneqassaaq.

Imm. 2. Meeqqamut innarluutilimmut tapersersuinerup Inatsisartut inatsisaat manna malillugu aallartinneqartup, meeqqat tapersersorneqarnissaannut Inatsisartut inatsisaat aammalu inatsisit allat malillugit meeqqamut tassunga suliniuteqarnermut aallartinneqartumut, ataqatigiissinneqarnissaat kommunalbestyrelsip isumagissavaa. Meeqqamut immaqalu meeqqap ilaqaataanut imaluunniit meeqqap isumassuisuinut tapersersuineq Inatsisartut inatsisaat manna malillugu aallartinneqartoq, inatsisit allat malillugit ilaqutariinnut suliniutigineqartunut ataqatigiissaarneqarnissaa kommunalbestyrelsip aammattaaq isumagissavaa.

§ 8. Inuit innarluutillit pisariaqartitaminnut tapersersorneqarnermik pisarnissaat, aamma Inatsisartut inatsisaat manna malillugu inunnut innarluutilinnut tapersiinissamut periarfissanik pisariaqartunik peqarnissaa, kommunalbestyrelsip isumagissavaa.

Pissutsit atuuttut

Maniitsumi ukiut 15-it sinnerlugit meeqqanut immikkuullarissunut, atuareernerup kingorna meeqqat innarluutaat ulluinnarniluunniit unamminartuuteqarnerat aallaavigalugit tulluarsarneqarsinnaasumik aaliangersimasumik ornittagaqanngilaq. Meeqqat atuarfiat, atuareernerup kingorna ininik atuartitsivittut atorneqartartunik neqerooruteqartarpoq. Inilli atuartitsiviusarmata ilui atortuutaalu nikiseqqusaaneq ajorput, aammalu atuartitsinermut atortuunngitsunik pisatsersoqqusaaneq ajorlutik. Taamaasilluni meeqqat immikkuullarissunut ukiorpassuannortuni, annerusumik tulluarsagaasunik ornittagaqarsimannngillat, “paaqqinnittarfeqaannarsimallutilli”.

Atugassarititaasut pequtaallutik, soorunami aamma meeqqanut qisuariuteqartitsiuarsimapput. Ilaatigut kamarujussuarnernik, qimaasoornernik sequtserinernillu kinguneqartarsimallutik.

Ukiuni kingullerni Atuarfiup init atortittagai ikiligaluttuinnarput, taamaasilluni aamma meeqqat pisariaqartitsinersiorlugit ininut atuarfiup neqeroorutigisaanut atukkiutsinneqartarput, meeqqat allat ornittakkanut meeqqat innarluuteqanngitsut assigalugit ornittakkaniitsinneqartalerlutik. Tamanna ilaannut iluatsilluartumik ingerlavoq, ilaqarlutilli aamma qisuariapiloornermik kinguneqartitsisunik, allatullu ajornarsivikkaangat angerlarsimaffiini tapersersersortinik ilalersorneqartariaqarsimasunik.

Ukioq 2021-2025 qinigaasut suleqatigiinnissamik isumaqatigiissutaanni ilaatigut allanneqarpoq, issuaaneq aallartippoq; “Meeqqap peqqinnartumik ineriartorfiusumillu meeraanissamut inuusuttuunissamullu qulakkeerunnissaa meeqqanut inuusuttunullu politikkip sunneeqataaffigissavaa, tamatumani ilikkagaqarnissamik, sunngiffimmi sammisassanik kultureqarnikkullu neqeroorutit pingaarnertut aallaaviussallutik.” Issuaaneq naavoq. Aammalu innarluutillit pillugit imatut allassimasoqarluni, issuaaneq aallartippoq; “Innarluutillit sunngiffimminni ornittagaqarnissaat qulakkeerneqassaaq” issuaaneq naavoq.

Taamaattumik ukiuni tullerni sipaarniarnerup tungaagut piumasqaateqartoqaraluartoq, qinikkat innuttaasunut oqqersuutaasa piviusunngortinneqarnissaat aamma pingaaruteqartutut isigalugu, aningaasartuutitut matussusiinissamut ikiorsiisoqarnissaanik qinnuteqaasiortoqarpoq.

Ornittagassatut neqeroorutigineqartoq tassaavoq, nunaqarfinniit Maniitsumut atuariartornermi inigitinneqartartoq, taanna Mini kolligiemik taaneqartarpoq. Mini kolligie marlunnik illutaqarpoq, illut marluusut tamarmik quleriullutik. Illup aappaa nunaqarfinniit tikittartunut inigitinneqartarpoq, illulli aappaa attartugassatut innersuunneqartoq, allermi nakkutilliisooq najugaqarfeqartinneqarpoq, affaanilu najugaqartunut tamanut iggaveqarluni nerisarfitalimmik, tamanna taamatulli

ingerlaannassaaq. Illup aappaata qalia tamarmiusoq katillugu 95 kvm missaani annertussuseqartoq, attartugassatut innersuunneqarpoq. Attartugassatut innersuussami ini iggavittalik ataatsimoortut, gangi takisooq, pequusivik perusuersartarfiit marluk, ineeraq allaffittut aammalu sulisut ataatsimiittarfissaattut atorsinnaasoq, kiisalu init anngajaat pingasut atuisussanut tulluarsarlugit immersorneqarsinnaasut. Init immersornissaannut Maniitsumi MISI suleqatiserineqarpoq, meeqqat innarluutaat atugarisaannullu tulluarnepaamik immersorsinnaajumallugu. Immersugassatut takorloorneqartut tassaapput, ini eqqissisimaarfiusinnaasoq, ini timikkut sammisaqarfiusinnaasoq aammalu ini eqqarsartaatsikkut timikkullu malugissutsinut sunniuteqartitsilluarsinnaasumik sammisaqarfiusinnaasoq.

Paasissutissat allat:

Maniitsumi meeqqat immikkuullarissut (Innarluutillit innarluuteqanngitsullu tapersersortillit) amerlassusaat:

- Meeqqat innarluutillit atuareernerup kingorna tapersersortillit sisamat, taakkunannga marluk fritidsklubbimiittarput, marlullu atuarfiup neqeroorutigini kuusaanik atuisuullutik
- Meeqqat innarluuteqanngitsut, atuareernerup kingorna tapersersortillit sisamat. Taakkunannga ataaseq atuarfiup neqeroorutaanik atuisuuvoq, sinneri fritidsklubbimik paaritittarfimmilu atuisuullutik tapersersortitik peqatigalugit.
- Meeraq ataaseq innarluutilik aammalu meeqqat pingasut innarluuteqanngitsut, suli meeqquerivimmiittut atuarfimmulli ikaarsaaliivissut.

Qulaani meeqqat maanna ornittagassamik atuisussatut takorloorneqartut arfineq pingasuupput. Taakkunanili nalilersuisoqaqqaassaaq, ilaqarmata meeqqat allat akornanniikkaluarlutik akuulluarsinnaasut. Meeqquerivinniilli atuarfimmu ikaarsaaliivissut aamma ilanngutissagunik, ornittagartaassaaq inussaaleqinaviangilaq.

Atuareernerup kingorna ornittagaassammat, inuusuttut inersimasunngortut (18-it sinnerlugit ukiullit) ullaap tungaani sammisaqarfittut atorsinnaavaat. Piffissami matumani innuttaasut innarluutillit inersimasunngorlaat sammisassaqartitsiniarnikkut aamma sumiiffissaqartinneqanngitsut minnerpaamik pingasuupput, taakkununngalu takorluugaavoq, ullaap tungaa sammisassaqartitsivittut neqeroorutigineqartarsinnaajumaartoq.

**Atugarissaarnermut Ataatsimiititaliap august-ip 29-ani 2022-imi ileqqusumik ataatsimiinnera
08/2022 – Imaqarniliaq**

Aningaasaqarnikkut kingunerisinnaasai

| | ullormut | qaammammut | ataasiartumik |
|---|----------|---------------|---------------|
| Attartuinermi qaammammut akiliutissat | | Kr. 15.784,00 | |
| Init immersornissaannut aningaasartuutit | | | Kr. 19.740,00 |
| Illup iluani pisatsersuinissamut aningaasartuutit | | | Kr. 10.000,00 |
| Aningaasartuutissat katillugit | | Kr. 15.784,00 | Kr. 29.740,00 |

Atuiffik.

| Atuiffiit | Atuiffiup taaguutaa | Missing | Atuineq | Sinneri | Atuineq % |
|---------------------------------------|--|---------|---------|---------|-----------|
| 552040100-0501025200-122030200-010570 | Børn & Unge m. Handicap - Refusion tabt arbejdsfortjeneste | 323.715 | 0 | 323.715 | 0 |
| 552040100-0501045100-122081500-010570 | Brændstof | 154.150 | 0 | 154.150 | 0 |

Atuiffiit 552040100-0501025200-122030200-010570 inatsimmi siullermi aningaasatigut annaasaqarnermi taarsiisoqarsinnaagallarmat atortarnikoq, maanna atorineq ajormat aningaasartuutit init immersornissaannut pisatarsinissamullu atorineqarnissaat siunniunneqarpoq.

Aammalu atuiffik 552040100-0501045100-122081500-010570 inissiaatileqatigiiffimmut inimik attartornermi akiliinermi atorineqartartoq, tassangaak inimut akiliutissat akilerneqartarnissaat siunniunneqarpoq, maanna inissiaateqatigiiffimmut aningaasartuutit tamaasa najugaqatigiiffiit kontoisa ataanni akilerneqartarmata.

Allaffeqarfiup naliliinera

Atugarissaarnermut immikkoortortaqarfik Maniitsoq naliliivoq, Meeqqat immikkuullarissut ornittagassaattut neqeroorutigineqartoq ilalerlugu, meeqqat ukiorpassuannortuni aaliangersimasumik tulluarsakkamillu ornittagaqannginnerat taamaasilluni politikkikkut aamma suliniutaasoq matussuserneqassammata.

Innersuussut

Atugarissaarnermut Immikkoortortaqarfik Maniitsoq Atugarissaarnermut Ataatsimiititaliap siulittaasuanut innersuussutigivaa akuereqqullugu

1. Meeqqanut immikkuullarissunut ornittagassatut siunnersuutigineqartumut isumaqatigiissut 1. August 2022 atuutilissasoq
2. Ornittagassamut qaammammut akiliutissatut siunniussa, kr 15.784,00
3. Akiliisarnissaq atuiffik 552040100-0501045100-122081500-010570 akilerneqartarnissaat
4. Init immersornissaannut aammalu pisatsersornissaannut aningaasartuuteqarnissaq katillugu, kr. 29.740,00
5. Aningaasat atuiffik 552040100-0501025200-122030200-010570 akilerneqarnissaat

Siulittaasup aalajangiinera

Innersuussut ulloq 04.08.2022 ataatsimiititaliap siulittaasuatanit akuersissutigineqarpoq.

Atugarissaarnermut Ataatsimiititaliap suliareqqiinera

Innersuussut

Siulittaasup ulloq 04.08.2022 akuersissutaa tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

1. Isumaqatigiissutitut siunniunneqartoq
2. Init immersornissaannut neqeroorut, NDO supply

08. Tamalaat

Imm. 8.1 Tamalaat

Soqannngilaq.